
OFFERYNNAU STATUDOL CYMRU

2019 Rhif 738 (Cy. 141)

**YMADAEL Â'R UNDEB EWROPEAIDD, CYMRU
HADAU, CYMRU**

**Rheoliadau Tatws Hadyd (Cymru)
(Diwygio) (Ymadael â'r UE) 2019**

*Gwnaed - - - - - 6pm ar 26 Mawrth
2019
Yn dod i rym yn unol â rheoliad 1(2) a (3)*

Mae Gweinidogion Cymru, drwy arfer y pwerau a roddir gan baragraff 1(1) o Atodlen 2 a pharagraff 21 o Atodlen 7 i Ddeddf yr Undeb Ewropeaidd (Ymadael) 2018(1), yn gwneud y Rheoliadau a ganlyn.

Yn unol â pharagraff 1(9) o Atodlen 7 i Ddeddf yr Undeb Ewropeaidd (Ymadael) 2018 gosodwyd drafft o'r offeryn hwn gerbron Cynulliad Cenedlaethol Cymru ac fe'i cymeradwywyd drwy benderfyniad gan Gynulliad Cenedlaethol Cymru.

Enwi, cychwyn a chymhwyso

1.—(1) Enw'r Rheoliadau hyn yw Rheoliadau Tatws Hadyd (Cymru) (Diwygio) (Ymadael â'r UE) 2019.

(2) Daw'r Rheoliadau hyn, ac eithrio rheoliadau 3 a 4, i rym ar y diwrnod ymadael.

(3) Daw rheoliadau 3 a 4 i rym ar y diwrnod sydd flwyddyn ar ôl y diwrnod y mae'r diwrnod ymadael yn digwydd.

(4) Mae'r Rheoliadau hyn yn gymwys o ran Cymru.

Diwygio Rheoliadau Tatws Hadyd (Cymru) 2016 o ganlyniad i ymadawiad y Deyrnas Unedig â'r Undeb Ewropeaidd

2.—(1) Mae Rheoliadau Tatws Hadyd (Cymru) 2016(11) wedi eu diwygio fel a ganlyn.

(2) Yn rheoliad 2—

(a) yn y diffiniad o “tatws hadyd sylfaenol”, ym mharagraff (b), yn lle'r geiriau o “yn unol” hyd at y diwedd rhodder—

(1) 2018 p. 16. Gweler adran 20(1) o'r Ddeddf honno i gael y diffiniad o “devolved authority”.

(11) O.S. 2016/106 (Cy. 52) fel y'i diwygiwyd gan O.S. 2017/596 (Cy. 139), 2018/1216 (Cy. 249) a 2019/738 (Cy. 141).

- “, yn datgan bod y tatws wedi eu hardystio’n datws hadyd sylfaenol a’r radd, yn unol ag—
- (i) yn achos tatws hadyd a gynhyrchir yn y Deyrnas Unedig, y rheoliadau tatws hadyd perthnasol;
 - (ii) yn achos tatws hadyd a gynhyrchir mewn Tiriogaeth Ddibynnol y Goron, ddeddfwriaeth y mae Gweinidogion Cymru yn cydnabod bod ei heffaith yn cyfateb i effaith paragraffau 2, 5, 7, 9, 10 ac 11 o Ran 1 o Atodlen 2;
 - (iii) yn achos tatws hadyd a gynhyrchir mewn Aelod-wladwriaeth neu yn y Swistir, Erthygl 13(1)(a) o’r Gyfarwyddeb;”;
- (b) yn y diffiniad o “categori” hepgorer y geiriau “yn unol â chytundeb masnach y Swistir”;
- (c) yn y diffiniad o “ardystio” ym mharagraff (b), yn lle’r geiriau o “yn unol” hyd at y diwedd rhodder—
- “yn unol ag—
- (i) yn achos tatws hadyd a gynhyrchir yn y Deyrnas Unedig, y rheoliadau tatws hadyd perthnasol;
 - (ii) yn achos tatws hadyd a gynhyrchir mewn Tiriogaeth Ddibynnol y Goron, ddeddfwriaeth y mae Gweinidogion Cymru yn cydnabod bod ei heffaith yn cyfateb i effaith rheoliad 10(2) a (3);
 - (iii) yn achos tatws hadyd a gynhyrchir mewn Aelod-wladwriaeth neu yn y Swistir, y Gyfarwyddeb;”;
- (d) yn y diffiniad o “tatws hadyd ardystiedig” ym mharagraff (b), yn lle’r geiriau o “yn unol” hyd at y diwedd rhodder—
- “, yn datgan bod y tatws wedi eu hardystio’n datws hadyd ardystiedig a’r radd, yn unol ag—
- (i) yn achos tatws hadyd a gynhyrchir yn y Deyrnas Unedig, y rheoliadau tatws hadyd perthnasol;
 - (ii) yn achos tatws hadyd a gynhyrchir mewn Tiriogaeth Ddibynnol y Goron, ddeddfwriaeth y mae Gweinidogion Cymru yn cydnabod bod ei heffaith yn cyfateb i effaith paragraffau 3, 5, 7, 9, 10 ac 11 o Atodlen 2;
 - (iii) yn achos tatws hadyd a gynhyrchir mewn Aelod-wladwriaeth neu yn y Swistir, Erthygl 13(1)(a) o’r Gyfarwyddeb;”;
- (e) ar ôl y diffiniad o “tatws hadyd sylfaenol” mewnosoder—
- “ystyr “Tiriogaeth Ddibynnol y Goron” (“*Crown Dependency*”) yw Ynys Manaw ac unrhyw un o Ynysoedd y Sianel;”
- (f) ar ôl y diffiniad o “pecyn neu gynhwysydd” mewnosoder—
- “ystyr “y Rheoliadau GMO” (“*the GMO Regulations*”) yw—
- (a) o ran Lloegr, Reoliadau Organeddau a Addaswyd yn Enetig (Eu Gollwng yn Fwriadol) 2002(2);
 - (b) o ran Cymru, Reoliadau Organeddau a Addaswyd yn Enetig (Eu Gollwng yn Fwriadol) (Cymru) 2002(3);
 - (c) o ran yr Alban, Reoliadau Organeddau a Addaswyd yn Enetig (Eu Gollwng yn Fwriadol) (Yr Alban) 2002(4);

(2) O.S. 2002/2443, a ddiwygiwyd gan O.S. 2004/2411, 2018/575.

(3) O.S. 2002/3188 (Cy. 304), a ddiwygiwyd gan O.S. 2005/2759, 2013/755 (Cy. 90).

(4) O.S.A. 2002/541, a ddiwygiwyd gan O.S.A. 2004/439, 2015/100.

- (d) o ran Gogledd Iwerddon, Reoliadau Organeddau a Addaswyd yn Enetig (Eu Gollwng yn Fwriadol) (Gogledd Iwerddon) 2003(5);”;
- (g) yn lle’r diffiniad o “gradd” rhodder—
“mae “gradd” (“*grade*”) yn cynnwys gradd y Deyrnas Unedig;”;
- (h) yn lle’r diffiniad o “Rhestr Genedlaethol” rhodder—
“ystyr “Rhestr Genedlaethol” (“*National List*”) yw rhestr o amrywogaethau o rywogaethau tatws sydd wedi ei llunio a’i chyhoeddi yn unol â rheoliad 3 o’r Rheoliadau Rhestrau Cenedlaethol(12);”;
- (i) yn y diffiniad o “dogfen swyddogol” ym mharagraff (b), yn lle’r geiriau o “gofynion” hyd at y diwedd rhodder—
“gofynion—
(i) yn achos tatws hadyd a gynhyrchir yn y Deyrnas Unedig, y rheoliadau tatws hadyd perthnasol;
(ii) yn achos tatws hadyd a gynhyrchir mewn Tiriogaeth Ddibynnol y Goron, ddeddfwriaeth y mae Gweinidogion Cymru yn cydnabod bod ei heffaith yn cyfateb i effaith gofynion Rhan 2 o Atodlen 2;
(iii) yn achos tatws hadyd a gynhyrchir mewn Aelod-wladwriaeth neu yn y Swistir, Erthygl 13(1)(b) o’r Gyfarwyddeb;”;
- (j) yn y diffiniad o “label swyddogol” ym mharagraff (b), hepgorer “gofynion” ac yn lle’r geiriau o “Erthygl 13(1)(a)” hyd at y diwedd rhodder—
“ofynion—
(i) yn achos tatws hadyd a gynhyrchir yn y Deyrnas Unedig, y rheoliadau tatws hadyd perthnasol;
(ii) yn achos tatws hadyd a gynhyrchir mewn Tiriogaeth Ddibynnol y Goron, ddeddfwriaeth y mae Gweinidogion Cymru yn cydnabod bod ei heffaith yn cyfateb i effaith gofynion Rhan 1 o Atodlen 2;
(iii) yn achos tatws hadyd a gynhyrchir mewn Aelod-wladwriaeth neu yn y Swistir, Erthygl 13(1)(a) neu 18(f) o’r Gyfarwyddeb neu Erthygl 9 o’r Penderfyniad;”;
- (k) yn y diffiniad o “tatws hadyd cyn-sylfaenol”, ym mharagraff (b), yn lle’r geiriau o “yn unol” hyd at y diwedd rhodder—
“, yn datgan bod y tatws wedi eu hardystio’n datws hadyd cyn-sylfaenol a’r radd, yn unol ag—
(i) yn achos tatws hadyd a gynhyrchir yn y Deyrnas Unedig, y rheoliadau tatws hadyd perthnasol;
(ii) yn achos tatws hadyd a gynhyrchir mewn Tiriogaeth Ddibynnol y Goron, ddeddfwriaeth y mae Gweinidogion Cymru yn cydnabod bod ei heffaith yn cyfateb i effaith paragraffau 1, 5, 6, 9, 10 ac 11 o Ran 1 o Atodlen 2;
(iii) yn achos tatws hadyd a gynhyrchir mewn Aelod-wladwriaeth neu yn y Swistir, Erthygl 18(f) o’r Gyfarwyddeb;”;
- (l) yn lle’r diffiniad o “tatws hadyd o amrywogaeth gadwraeth” rhodder—

(5) Rh. St. 2003 Rhif 167.

(12) O.S. 2001/3510 fel y’i diwygiwyd gan O.S. 2004/2949, 2009/1273, 2010/1195 a 2011/464

- “ystyr “tatws hadyd o amrywogaeth gadwraeth” (“*seed potatoes of a conservation variety*”) yw unrhyw amrywogaeth o datws hadyd a restrir fel amrywogaeth gadwraeth yn y Rhestr Genedlaethol;”;
- (m) yn y diffiniad o “tatws hadyd a gynhyrchir y tu allan i Gymru”, ym mharagraff (b) hepgorer “ac eithrio’r Deyrnas Unedig”;
- (n) ar ôl y diffiniad o “y Rheoliadau Rhestrau Cenedlaethol” mewnosoder—
 “ystyr “y rheoliadau tatws hadyd” (“*the seed potatoes regulations*”) yw—
- (a) o ran Lloegr, Reoliadau Tatws Hadyd (Lloegr) 2015(13);
- (b) o ran yr Alban, Reoliadau Tatws Hadyd (Yr Alban) 2015(6);
- (c) o ran Gogledd Iwerddon, Reoliadau Tatws Hadyd (Gogledd Iwerddon) 2016(7);
- ac ystyr “y rheoliadau tatws hadyd perthnasol” (“*the relevant seed potatoes regulations*”), o ran unrhyw ran gyfansoddol o’r Deyrnas Unedig, yw’r rheoliadau tatws hadyd sy’n gymwys o ran y rhan honno;”;
- (o) yn y diffiniad o “tatws hadyd sydd i’w profi a’u treialu”, ym mharagraff (b), yn lle’r geiriau o “yn unol” hyd at y diwedd rhodder—
 “yn unol ag—
- (i) yn achos tatws hadyd a gynhyrchir yn y Deyrnas Unedig, y rheoliadau tatws hadyd perthnasol;
- (ii) yn achos tatws hadyd a gynhyrchir mewn Tiriogaeth Ddibynnol y Goron, ddeddfwriaeth y mae Gweinidogion Cymru yn cydnabod bod ei heffaith yn cyfateb i effaith paragraffau 4, 5, 8, 9, 10 ac 11(c) o Ran 1 o Atodlen 2;
- (iii) yn achos tatws hadyd a gynhyrchir mewn Aelod-wladwriaeth neu yn y Swistir, Erthygl 9 o’r Penderfyniad”;
- (p) yn lle’r diffiniad o “gradd yr Undeb” rhodder—
 “ystyr “gradd yr Undeb” (“*Union grade*”), mewn perthynas â thatws hadyd a gynhyrchir mewn Aelod-wladwriaeth neu yn y Swistir, yw—
- (a) yn achos tatws hadyd cyn-sylfaenol, gradd PBTC yr Undeb neu radd PB yr Undeb, y nodir yr amodau gofynnol ar eu cyfer yn Erthyglau 2 a 3 o Gyfarwyddeb 2014/21/EU(8) ac Atodiad 1 iddi;
- (b) yn achos tatws hadyd sylfaenol, gradd S yr Undeb, gradd SE yr Undeb neu radd E yr Undeb, y nodir yr amodau gofynnol ar eu cyfer yn Erthygl 1 o Gyfarwyddeb 2014/20/EU(9) ac Atodiad 1 iddi;
- (c) yn achos tatws hadyd ardystiedig, gradd A yr Undeb neu radd B yr Undeb, y nodir yr amodau gofynnol ar eu cyfer yn Erthygl 2 o Gyfarwyddeb 2014/20/EU ac Atodiad 2 iddi;”;
- (q) ar ôl y diffiniad o “gradd” mewnosoder—
 “ystyr “gradd y Deyrnas Unedig” (“*United Kingdom grade*”) yw—
- (a) o ran tatws hadyd a gynhyrchir yng Nghymru, gradd y Deyrnas Unedig a bennir yn unol ag Atodlen 4 wrth ardystio, sef—

(13) O.S. 2015/1953 fel y’i diwygiwyd gan O.S. 2017/288 a 2018/575.

(6) O.S.A. 2015/395, a ddiwygiwyd gan O.S.A. 2016/68, 434.

(7) Rh. St. 2016 Rhif 190, a ddiwygiwyd gan Rh. St. 2017 Rhif 155.

(8) OJ Rhif L 38, 7.2.2014, t. 39.

(9) OJ Rhif L 38, 7.2.2014, t. 32.

- (i) yn achos tatws hadyd cyn-sylfaenol, gradd PBTC y DU neu radd PB y DU;
- (ii) yn achos tatws hadyd sylfaenol, gradd S y DU, gradd SE y DU neu radd E y DU;
- (iii) yn achos tatws hadyd ardystiedig, gradd A y DU neu radd B y DU;
- (b) o ran tatws hadyd a gynhyrchir yn y Deyrnas Unedig ac eithrio yng Nghymru, gradd y Deyrnas Unedig a bennir yn unol â'r rheoliadau tatws hadyd perthnasol;";
- (r) ym mharagraff 2, hepgorer y geiriau o "yn unol" hyd at y diwedd;
- (s) hepgorer paragraff (4).
- (3) Yn rheoliad 4, yn lle "Undeb Ewropeaidd" rhodder "Deyrnas Unedig".
- (4) Yn rheoliad 5, ym mharagraff 3(b), yn lle'r geiriau o "yn unol" hyd at y diwedd rhodder—
"yn unol ag—
 - (i) yn achos tatws hadyd a gynhyrchir yn y Deyrnas Unedig, y rheoliadau tatws hadyd perthnasol;
 - (ii) yn achos tatws hadyd a gynhyrchir mewn Tirïogaeth Ddibynnol y Goron, ddeddfwriaeth y mae Gweinidogion Cymru yn cydnabod bod ei heffaith yn cyfateb i effaith rheoliad 8;
 - (iii) yn achos tatws hadyd a gynhyrchir mewn Aelod-wladwriaeth neu yn y Swistir, Erthygl 6(1)
 - (a) o'r Gyfarwyddeb;";
- (5) Yn rheoliad 6—
 - (a) ym mharagraff (3), yn lle'r geiriau o'r dechrau hyd at "Gyfarwyddeb 2008/62/EC" rhodder "Pan fyddai'r symiau yn debygol o fod yn fwy na'r symiau a bennir yn Erthygl 14 o Gyfarwyddeb 2008/62/EC(10) fel arall";
 - (b) ar ôl paragraff (3) mewnosoder—
 - "(3A) At ddibenion paragraff (3), mae Erthygl 14 o Gyfarwyddeb 2008/62/EC i'w darllen fel pe bai—
 - (a) yn y paragraff cyntaf, yn y frawddeg gyntaf—
 - (i) y geiriau "Each Member State shall ensure that" wedi eu hepgor;
 - (ii) y geiriau "may not exceed" wedi eu rhoi yn lle "does not exceed";
 - (iii) cyfeiriad at "the United Kingdom" yn cael ei roi yn lle'r cyfeiriad at "that Member State";
 - (b) yn yr ail baragraff—
 - (i) yn y frawddeg gyntaf, cyfeiriad at "the United Kingdom" yn cael ei roi yn lle'r cyfeiriad at "each Member State";
 - (ii) cyfeiriadau at "the United Kingdom" yn cael eu rhoi yn lle'r cyfeiriadau at "the Member State", yn y ddau le y maent yn digwydd".
- (6) Yn rheoliad 8(2), yn lle'r geiriau o "y Rheoliad Bwyd a Bwyd Anifeiliaid" hyd at y diwedd rhodder—
"—
 - (a) y Rheoliad Bwyd a Bwyd Anifeiliaid;
 - (b) y rheoliadau GMO; neu
 - (c) cyn y diwrnod ymadael, Ran C o'r Gyfarwyddeb Gollyngiadau Bwriadol".

- (7) Yn rheoliad 9—
- (a) ym mharagraff (2)—
- (i) yn is-baragraff (a), yn lle “sy’n fwy nag a ganiateir gan Erthygl 7 o’r Penderfyniad” rhodder “sy’n fwy na pha un bynnag sydd fwyaf o 0.1% o nifer blynyddol y tatws hadyd a ddefnyddir yn y Deyrnas Unedig neu unrhyw swm y mae Gweinidogion Cymru yn ystyried ei fod yn ddigonol er mwyn hau 10 hectar”;
- (ii) yn is-baragraff (b), yn lle’r geiriau o “y Rheoliad Bwyd a Bwyd Anifeiliaid” hyd at y diwedd rhodder—
- “—
- (i) y Rheoliad Bwyd a Bwyd Anifeiliaid;
- (ii) y rheoliadau GMO; neu
- (iii) cyn y diwrnod ymadael, Ran C o’r Gyfarwyddeb Gollyngiadau Bwriadol”;
- (b) ym mharagraff (6)(b), hepgorer “neu yn y Catalog Cyffredin”;
- (c) ym mharagraff (8)(b), yn lle “Aelod-wladwriaeth” rhodder “wlad”.
- (8) Yn rheoliad 11(3)(b), yn lle’r geiriau o “yn unol â’r Gyfarwyddeb” hyd at y diwedd rhodder—
- “, mewn cysylltiad â marchnata tatws o’r categori hwnnw, yn unol ag—
- (i) yn achos tatws hadyd a gynhyrchir yn y Deyrnas Unedig, y rheoliadau tatws hadyd perthnasol;
- (ii) yn achos tatws hadyd a gynhyrchir mewn Tiriogaeth Ddibynnol y Goron, ddeddfwriaeth y mae Gweinidogion Cymru yn cydnabod bod ei heffaith yn cyfateb i effaith is-baragraff (a);
- (iii) yn achos tatws hadyd a gynhyrchir mewn Aelod-wladwriaeth neu yn y Swistir, y Gyfarwyddeb”.
- (9) Yn rheoliad 14(2)(b), yn lle’r geiriau o “yn unol ag” hyd at y diwedd rhodder—
- “yn unol ag—
- (i) yn achos tatws hadyd a gynhyrchir yn y Deyrnas Unedig, y rheoliadau tatws hadyd perthnasol;
- (ii) yn achos tatws hadyd a gynhyrchir mewn Tiriogaeth Ddibynnol y Goron, ddeddfwriaeth y mae Gweinidogion Cymru yn cydnabod bod ei heffaith yn cyfateb i effaith is-baragraff (a);
- (iii) yn achos tatws hadyd a gynhyrchir mewn Aelod-wladwriaeth neu yn y Swistir, Erthygl 11(1) o’r Gyfarwyddeb”.
- (10) Yn rheoliad 16—
- (a) yn y pennawd, yn lle “o’r tu allan i’r Undeb Ewropeaidd” rhodder “a fewnforir i Gymru”;
- (b) ailrifery testun presennol yn baragraff (1);
- (c) ym mharagraff (1)—
- (i) ar y dechrau mewnosoder y geiriau “Yn ddarostyngedig i baragraff (2),”;
- (ii) hepgorer y geiriau “o wlad y tu allan i’r Undeb Ewropeaidd”;
- (d) ar ôl paragraff (1), mewnosoder—
- “(2) Nid yw paragraff (1) yn gymwys i unrhyw berson sy’n marchnata mwy na 2 gilogram o datws hadyd sydd wedi eu mewnforio i Gymru o—
- (a) lle sydd o fewn Ynysoedd Prydain;
- (b) Aelod-wladwriaeth neu’r Swistir.”
- (11) Ar ôl rheoliad 23 mewnosoder—

“Darpariaeth drosiannol ar gyfer labeli swyddogol ar y diwrnod ymadael

23A. Mae label a raggraffwyd cyn y diwrnod ymadael a oedd yn label swyddogol at ddibenion y Rheoliadau hyn ar y dyddiad y'i hargraffwyd i'w drin fel label swyddogol at ddibenion unrhyw ddefnydd o'r label hwnnw cyn diwedd y cyfnod o flwyddyn sy'n dechrau â'r diwrnod ar ôl y diwrnod y mae'r diwrnod ymadael yn digwydd.”

(12) Yn Atodlen 1 ym mharagraffau 5, 6, 8 a 10, yn lle “yr Undeb”, ym mhob lle y mae'n digwydd, rhodder “y DU”.

(13) Yn Atodlen 2—

(a) ym mharagraff 6(a), yn lle “Aelod-wladwriaeth” rhodder “wlad”;

(b) ym mharagraff 7—

(i) yn is-baragraff (a), yn lle “EU” rhodder “UK”;

(ii) yn is-baragraff (b)(i), yn lle “Aelod-wladwriaeth” rhodder “wlad”;

(c) ym mharagraff 8(b)(i), yn lle “Aelod-wladwriaeth” rhodder “wlad”;

(d) ym mharagraff 9—

(i) yn lle “sy'n ofynnol gan” rhodder “a bennir yn”;

(ii) ar y diwedd, mewnosoder “sydd i'w ddarlenn fel pe bai, ym mhwynt (a), “UK” wedi ei roi yn lle “EC””;

(e) ym mharagraff 11, yn lle “yr Undeb”, ym mhob lle y mae'n digwydd, rhodder “y DU”.

(14) Yn Atodlen 3—

(a) ym mhenawdau Rhannau 1 a 2, yn lle “yr Undeb” rhodder “y DU”;

(b) yn y tabl yn Rhan 3, yng ngholofn 2, yn lle “yr Undeb”, ym mhob lle y mae'n digwydd, rhodder “y DU”.

(15) Mae Atodlen 4 wedi ei diwygio yn unol â pharagraffau 16 i 18.

(16) Yn Rhan 1—

(a) yn y paragraff sy'n dod o flaen Tabl 1, yn lle “Undeb” rhodder “Deyrnas Unedig”;

(b) yn Nhabl 1—

(i) ym mhennawd colofn 1, yn lle “yr Undeb” rhodder “y DU”;

(ii) yn y rhes sy'n ymwneud â gradd “PB”, yng ngholofn 2, ym mharagraff (1)(b), yn lle “gradd PB yr Undeb” rhodder “gradd PB y DU neu radd PB yr Undeb”.

(17) Yn Rhan 2—

(a) yn y paragraff sy'n dod o flaen Tabl 2, yn lle “Undeb” rhodder “Deyrnas Unedig”;

(b) yn Nhabl 2—

(i) ym mhennawd colofn 1, yn lle “yr Undeb” rhodder “y DU”;

(ii) yn y rhes sy'n ymwneud â gradd “S”, yng ngholofn 2, yn lle “radd S yr Undeb” rhodder “radd S y DU neu radd S yr Undeb”;

(iii) yn y rhes sy'n ymwneud â gradd “SE”, yng ngholofn 2, yn lle “radd S yr Undeb neu'n radd SE yr Undeb” rhodder “radd S y DU, gradd SE y DU neu radd SE yr Undeb”;

(iv) yn y rhes sy'n ymwneud â gradd “E”, yng ngholofn 2—

(aa) ym mharagraff (1)(a), yn lle “radd S yr Undeb, gradd SE yr Undeb neu radd E yr Undeb” rhodder “radd S y DU, gradd SE y DU, gradd S yr Undeb neu radd SE yr Undeb”;

(bb) ym mharagraff (1)(b), yn lle “radd S yr Undeb, gradd SE yr Undeb neu radd E yr Undeb” rhodder “radd S y DU, gradd SE y DU, gradd E y DU, gradd S yr Undeb, gradd SE yr Undeb neu radd E yr Undeb”.

(18) Yn Rhan 3 yn Nhabl 3—

- (a) ym mhennawd colofn 1, yn lle “yr Undeb” rhodder “y DU”;
- (b) yn y rhes sy’n ymwneud â gradd “A”, yng ngholofn 2
yn lle “radd A yr Undeb” rhodder “radd A y DU neu radd A yr Undeb”;
- (c) yn y rhes sy’n ymwneud â gradd “B”, yng ngholofn 2—
 - (i) yn lle “radd A yr Undeb” rhodder “radd A y DU neu radd A yr Undeb”;
 - (ii) yn lle “radd B yr Undeb” rhodder “radd B y DU neu radd B yr Undeb”.

(19) Ym mhennawd Atodlen 6, yn lle “ac eithrio Aelod-wladwriaeth” rhodder “y tu allan i Ynysoedd Prydain”.

Marchnata tatws hadyd a gynhyrchir mewn Aelod-wladwriaeth neu yn y Swistir

3.—(1) Mae Rheoliadau Tatws Hadyd (Cymru) 2016 fel y’u diwygir gan reoliad 2 wedi eu diwygio fel a ganlyn.

(2) Yn rheoliad 2—

- (a) yn y diffiniad o “tatws hadyd sylfaenol”, ym mharagraff (b) hepgorer is-baragraff (iii);
- (b) yn y diffiniad o “ardystio”, ym mharagraff (b) hepgorer is-baragraff (iii);
- (c) yn y diffiniad o “tatws hadyd ardystiedig”, ym mharagraff (b) hepgorer is-baragraff (iii);
- (d) yn y diffiniad o “dogfen swyddogol”, ym mharagraff (b) hepgorer is-baragraff (iii);
- (e) yn y diffiniad o “label swyddogol”, ym mharagraff (b) hepgorer is-baragraff (iii);
- (f) yn y diffiniad o “tatws hadyd cyn-sylfaenol”, ym mharagraff (b) hepgorer is-baragraff (iii);
- (g) yn y diffiniad o “tatws hadyd a gynhyrchir y tu allan i Gymru”, hepgorer paragraffau (b) ac (c);
- (h) yn y diffiniad o “tatws hadyd sydd i’w profi a’u treialu”, ym mharagraff (b) hepgorer is-baragraff (iii);

(3) Yn rheoliad 11(3)(b), hepgorer is-baragraff (iii);

(4) Yn rheoliad 14(2)(b), hepgorer is-baragraff (iii);

(5) Yn rheoliad 16, hepgorer paragraff (2)(b).

(6) Yn Atodlen 1, ym mharagraff 3(a) hepgorer “neu yn y Catalog Cyffredin”.

Marchnata tatws hadyd a gynhyrchir mewn Aelod-wladwriaeth neu yn y Swistir: darpariaeth arbed

4.—(1) Yn achos tatws hadyd—

- (a) a gynhyrchir mewn Aelod-wladwriaeth neu yn y Swistir, a
- (b) a fewnforir i Gymru cyn i reoliad 3 ddod i rym,

mae Rheoliadau Tatws Hadyd (Cymru) 2016 yn parhau i gael effaith fel pe na bai’r diwygiadau a wneir gan reoliad 3 mewn grym.

26 Mawrth 2019 ar 6pm

Lesley Griffiths
Gweinidog yr Amgylchedd, Ynni a Materion
Gwledig, un o Weinidogion Cymru

NODYN ESBONIADOL

(Nid yw'r nodyn hwn yn rhan o'r Rheoliadau)

Mae'r Rheoliadau hyn wedi eu gwneud drwy arfer y pwerau a roddir gan baragraff 1(1) o Atodlen 2 a pharagraff 21 o Atodlen 7 i Ddeddf yr Undeb Ewropeaidd (Ymadael) 2018 (p. 16) er mwyn ymdrin ag unrhyw fethiant yng nghyfraith yr UE a ddargedwir i weithredu'n effeithiol a diffygion eraill sy'n deillio o ymadawriad y Deyrnas Unedig â'r Undeb Ewropeaidd.

Mae'r Rheoliadau hyn yn diwygio Rheoliadau Tatws Hadyd (Cymru) 2016 ([O.S. 2016/106](#) Cy. 52).

Ystyriwyd Cod Ymarfer Gweinidogion Cymru ar gynnal Asesiadau Effaith Rheoleiddiol mewn perthynas â'r Rheoliadau hyn. O ganlyniad, ystyriwyd nad oedd yn angenrheidiol cynnal asesiad effaith rheoleiddiol o'r costau a'r manteision sy'n debygol o ddeillio o gydymffurfio â'r Rheoliadau hyn.